



UNIVERSITÄTS-
BIBLIOTHEK
PADERBORN

Universitätsbibliothek Paderborn

Bekerung H. Joannis Harennij

Haren, Jan

Cölln, 1586

VD16 ZV 7369

Von guten wercken/ vnd von der Rechtfertigung.

urn:nbn:de:hbz:466:1-35563

zum Lügner/der nicht allein befehl thut
 seinen gebotten zugehorsamen/sonder stel
 let vns auch für/vnd beüt vns an vergel
 tung vnd sehr grossen lon/im fal wir dens
 selbigen gehorsamb leisten: Sie handlen
 auch erger/den die Manicheer; den sie sa
 gen vnd leren / das man das Gesez nicht
 halten könne / vnd dürffen dennoch bey
 ihnen selbst wol so vermessen sein / das sie
 fürgeben/das ewig leben sey ihr eigen.

Von guten wercken/ vnd von der Rechtfertigung.

Simon der Zauberer/ wie Theodores
 tus im 1. Buch im 1. Cap. zeuget / le
 rete vorzeiten/die guten wercke weren zur
 seligkeit vnuonnöten/vnd were damit ge
 nug/das man glaubte. Dasselbige lerete
 auch der Ketzr Eunomius/wie der Heyl
 lig Augustinus bezeuget. Die Protec
 stierenden Calvinisten/welche den Art
 cul von der Rechtfertigung bösslich ver
 felschen/misshen ineinander die wolthat
 vnseres Herren Jesu Christi/vnd den ges
 genworff des glaubens/ das Gott ist/vff
 geben dem gemeinen Volck zuuerstehen/
 das durch den glauben rechtfertig wer

§ 2 den/

den/nicht anders seye/den glauben an den
 Son Gottes; Sie verlassen aber die ge-
 horsamkeit der gebotte Gottes / vnd vers-
 stehen die wort nicht: Ich glaube in Gott
 vatter allmechtig/ 2c. Man hat auch vna-
 ter den Protestierenden / den Articuli der
 Rechtfertigung betreffend/bey die zwo os
 der drey vñ zwenzig verschiedene meinun-
 gen vermercken vnd finden können.

Von anruffung der Heys- ligen.

Agilantius hielt vor alters dem ge-
 meinen Volck die Lehr für/ das man
 die Heiligen/ so im Himmel sind/nicht an-
 ruffen solt: Aber dieselbige Kezeren ist vna-
 langß hernach/ so wol durch des götliche
 worts / vnd der Kircken auctoritet / als
 durch vnzalbar viel widerzeichen/ so teg-
 lich bey der Metler Gräbern geschahen/
 vmbgestossen vnd vertilget worden. Vnd
 solten sich die Protestierenden schemen/
 das sie diese schedliche Kezeren widerumb
 ernewet haben.

Von den Bildern.

Helianus/ der abtrinnig Keyser Jus-
 lianus/